



**State of Wisconsin**  
**Department of Health Services**

Tony Evers,  
Governor Andrea  
Palm, Secretary

**KEV XAAJ CEEV HEEV #28**  
Kev Xaaj Kom Nyob Hauv Tsev Nyab Xeeb Dua

**POM HAIS TIAS**, thaum lub 12 Hlis Ntuj, 2019, tau tshawb pom tus kab mob coronavirus, uas tam sim no hu ua COVID-19, thiab tau kis thoob ntiaj teb thiab txhua lub xeev nyob rau As Mes Liv Kas Teb;

**POM HAIS TIAS**, nyob rau lub 1 Hlis Ntuj tim 30, 2020, lub koom haum World Health Organization tau tshaj tawm tias COVID-19 yog ib tug mob muaj xwm txhawj ceev heev uas yog ib txoj kev txhawj xeeb thoob ntiaj teb;

**POM HAIS TIAS**, nyob rau lub 3 Hlis Ntuj tim 12, 2020, Governor Tony Evers tau tshaj tawm tias yog ib tug mob muaj xwm txhawj ceev heev thiab hais kom tag nrho cov chaw ua huaj lwm los muab kev txhawb thiab pab tiv thaiv tus kab mob COVID-19 nyob hauv Wisconsin;

**POM HAIS TIAS**, nyob rau lub 3 Hlis Ntuj tim 13, 2020, President Donald Trump tau tshaj tawm tias yog ib hnuv muaj xwm txheej ceev heev rau lub teb chaws thiab muaj kev txhawj xeeb txog tus kab mob COVID-19;

**POM HAIS TIAS**, lub 4 Hlis Ntuj tim 15, 2020, muaj 1,914,916 tus neeg thoob ntiaj teb tau kis tus kab mob COVID-19, nyob As Mes Liv Kas muaj 605,390 tus neeg mob thiab nyob Wisconsin muaj 3,721 tus neeg mob;

**POM HAIS TIAS**, tus kab mob COVID-19 nyob thoob plaws Wisconsin, lub 4 Hlis Ntuj tim 15, 67 lub counties ntawm 72 lub muaj cov neeg tau tus kab mob COVID-19;

**POM HAIS TIAS**, nyob rau lub 3 Hlis Ntuj tim 24, 2020, Kuv, Andrea Palmer, tus thawj tswj (Secretary-designee) rau lub chaw ua hauj lwm Wisconsin Department of Health Services, tau xaaj Qhov Xwm Txheej Ceev #12, Kev Xaaj Kom Nyob Hauv Tsev Nyab Xeeb Dua, kom txhua tus neeg nyob hauv Wisconsin nyob hauv lub tsev los yog lawv qhov chaw nyob thiab yog muaj hauj lwm tseem ceeb thiaj tawm mus tau;

**POM HAIS TIAS**, Qhov Kev Xaaj Kom Nyob Hauv Tsev Nyab Xeeb Dua ua kom tus kab mob COVID-19 tsis txhob kis tau mus ntxiv hauv Wisconsin lawm, thiab peb kuj pib pom tias qhov kev npaj no ua tau hauj lwm;

**POM HAIS TIAS**, Thaum tshaj tawm txog qhov Kev Xaaj Kom Nyob Hauv Tsev Nyab Xeeb Dua, 3-4 hnuv twg cov neeg tau tus kab mob COVID-19 nyob hauv Wisconsin nce ib npaug ntxiv, tiam sis xtij lub 4 Hlis Ntuj tim 14, 2020 los, thaj tsam 12 hnuv twg mam li nce ib npaug;

**POM HAIS TIAS**, raws li tus qauv DHS tau tsim, Wisconsin tau sau tseg tias yuav muaj thaj tsam li 440 tus mus rau 1,500 tus neeg yuav tas sim neej los ntawm tus kab mob COVID-19 rau lub 4 Hlis Ntuj tim 8. Cov nab npawb no yog muab raws li ntawm cov neeg uas tau muaj tus mob; tab sis, txij thaum muaj qhov Kev Xaaj Kom Nyob Hauv Tsev Nyab Xeeb Dua, tus nab npawb no kuj nqi mus lawm ntau heev uas thaum txog lub 4 Hlis Ntuj tim 8, Wisconsin tsuas muaj 99 tus neeg tag sim neej xwb;

**POM HAIS TIAS**, xws li cov xeev nyob ib ncig peb no, Wisconsin yuav tau nyob hauv tsev mus ntxiv thiaj tiv thaiv tau tus kab mob COVID-19 kom tsis txhob nce ntxiv es thiaj li tsis siv nyiaj txiag ntau rau kev kho mob thiab neeg thiaj li yuav tsis tuag ntxiv;

**POM HAIS TIAS**, peb cov neeg ua hauj lwm nyob rau ntawm hauv ntej ua hauj lwm pab cov neeg mob, ceev kom peb cov kiab khw qhib tau, tu huv si, thiab muaj khoom puv txee, ua qoob loo hauv tej teb, thiab xyuas kom tej kev tsheb, hluav taws xob, thiab dej siv tsis txhob muaj teeb meem;

**POM HAIS TIAS**, lub sij hawm Nyob Hauv Tsev Kom Nyab Xeeb Dua, yog ib qho tseem ceeb heev uas peb yuav tsum hwm tag nrho cov pej xeem txhua tus thiab cov neeg ua hauj lwm hauv lub xeev, tsis txhob thuam los yog hais phem txog tej pab pawg neeg twg li, tshwj xeeb cov neeg twb muaj los yog raug tus kab mob COVID-19;

**POM HAIS TIAS**, cov kws kho mob thiab cov neeg paub txog kev noj qab haus huv qhia hais tias tam sij no yog ib lub sij hawm tseem ceeb heev nyob hauv Wisconsin rau peb kom tsis txhob kis tus kab mob ntxiv thiab tiv thaiv kom tsis txhob muaj kev puas tsuaj loj ua rau neeg mob coob xws li peb pom nyob rau lwm lub xeev thiab nyob thoob ntiaj teb;

**POM HAIS TIAS**, lub sij hawm peb ua kom tus kab mob ploj zuj zus mus, peb yuav ua tib zoo saib xyuas thiab xav kom zoo los khiav hauj lwm kom kev tej lag luag rov qab khiav zoo li qub;

**POM HAIS TIAS**, neeg thoob plaws lub xeev tau muab lawv tej lag luam kaw thiab tsis muaj nyiaj txiag los;

**POM HAIS TIAS**, lub sij hawm peb tseem nyob hauv tsev kom nyab xeeb dua ntxiv mus, peb yuav tau nrhiav kev los pab kom cov lag luag rov qab qhib thiab cov neeg ua hauj lwm rov qab muaj hauj lwm ua es thiaj li yuav tiv thaiv kom tau kev kis tus kab mob COVID-19; thiab

**POM HAIS TIAS**, thaum txiav txim siab seb puas yuav ncuu lub sij hawm rau Kev Xaaj Kom Nyob Hauv Tsev Nyab Xeeb Dua, lub chaw ua hauj lwm los saib txog seb tus kab mob COVID-19 kis ceev npaum li cas nyob hauv Wisconsin; rab peev xwm ntawm kev kho mob muaj npaum li cas thaum neeg mob hauv lub xeev coob heev lawm; kev tshuaj ntsuam; soj qab txog cov neeg muaj kev sib cuag; thiab cov chaw rau neeg nyob ib leeg kheej hauv lub xeev muaj ntau npaum li cas; cov khoom siv tiv thaiv rau cov neeg ua hauj lwm muaj ntau npaum li cas; cov neeg saib kev ruaj ntseg (first responders); thiab lwm cov neeg uas yuav tsum tau mus ua hauj lwm tim ntsej tim muag; thiab kev lag luag ntawm lub xeev Wisconsin thiab cov pej xeem.

**NTAWM NO, Kuv, Andrea Palm**, tus thawj tswv ntawm lub Department of Health Services Secretary-designee, uas taus txais kev tso cai los ntawm Lub Xeev, nyob hauv txoj cai Section 252.02(3), (4), thiab (6) hauv Wisconsin Statutes, muab kev xaaj raws li nram no:

1. **Nyob hauv tsev los yog ntawm qhov chaw nyob.** Txhua tus neeg nyob hauv lub xeev Wisconsin raug xaaj kom nyob hauv tsev los yog hauv ntawm qhov chaw nyob. Yuav tawm hauv tsev tau mus yuav tsum yog ua tej yam hauj lwm teev nyob hauv qab no. Tsis pub neeg sib txoos rau sab nraum zoov los yog hauv tsev dhau li hauv lawv tsev los yog chaw nyob, txhua lub sij hawm lawv yuav tsum nyob kom sib nrug tsawg kawg 6 feet ntawm lwm tus neeg kom raws li txoj cai Kom Nyog Sib Nrug (Social Distancing Requirements) hauv qab no. Cov neeg nyob ua ke ib tse ces tsis nyob sib nrug los tau. Cov neeg yuav tawm tau hauv tsev los yog qhov chaw nyob mus sab nrauv tsuas yog mus ua cov hauj lwm teev nyob rau daim ntawv Xaaj no xwb:
  - a. **Hauj Lwm Tseem Ceeb** (txhais nyob ntu 11);
  - b. **Nom Tswv Lub Luag Hauj Lwm Tseem Ceeb** (txhais nyob ntu 12);
  - c. **Kev khiav cov Lag Luag Tseem Ceeb thiab Tes Dej Num** (txhais nyob ntu 13);
  - d. **Khiav Hauj Lwm Tsis Tshua Tseem Ceeb tab sis yuav tau ua** (txhais nyob ntu 14 - defined in section 14);
  - e. **Kev Tawm Rooj Mus Los Tseem Ceeb** (txhais nyob ntu 15); thiab
  - f. **Tej Yam Hauj Lwm Tshwj Xeeb** (txhais nyob ntu 8,9, thiab 10).

Cov lus nyob rau ntu no yuav tsis raug rau cov neeg tsis muaj tsev nyob, tab sis thov nqua hu kom mus nrhiav chaw nyob. Nqua hu kom Tsoom Fwv thiab lwm cov chaw ua hauj lwm npaj kom muaj chaw nyob kom sai li sai tau kom txaus thiab ua raws li Wisconsin Department of Public Health (DHS) thiab the U.S. Centers for Disease Control and Prevention (CDC) cov lus qhia txog kev tiv thaiv tus mob COVID-19.

Cov neeg uas lawv lub tsev los yog qhov chaw nyob tsis muaj kev nyab xeeb los yog pom tau tias yuav tsis muaj kev nyab xeeb, xws lis cov neeg raug kev tsim txom los ntawm lwm tus neeg, tau txais kev tso cai thiab txhib kom tawm hauv lawv lub tsev kom lawv tau mus nyob rau ib qhov chaw muaj kev nyab xeeb. Raws li lub hom phiaj ntawm qhov Kev Xaaj no, tsev los yog chaw nyob muaj xws li hotels, motels, ib chaw tsev xauj koom nyob hauv ib lub tsev, cov chaw rau cov neeg tsis muaj tsev nyob, thiab lwm hom chaw uas zoo xws li hais no.

## 2. **Kev khiav lag luag**

- a. **Cov lag luag tsis tseem ceeb yuav tsum muab kaw tsis txhob ua hauj lwm.** Tag nrog cov lag luag thiab cov koom haum ua hauj lwm pub dawb rau neeg uas muaj ib qhov chaw ua hauj lwm nyob rau Wisconsin, tshwj xeeb yog cov lag luam thiab hauj lwm tseem ceeb uas txhais nyob hauv qab no, yuav tsum tsis txhob ua hauj lwm thiab muab cov chaw ua hauj

lwm nyob Wisconsin kaw, tsua ntshe:

- i. Qhib Ua Hauj Lwm Me Me, raws li txhais nyob hauv qab no.
- ii. Cov hauj lwm uas muaj ib tug neeg thiaj paub ua xwb thiab cov neeg ntiav sab nrauv tuaj (contractors) ua hauj lwm tau nyob hauv tsev.

**b. Khiav Lag Luam Nrog Kev Nyab Xeeb**

- i. Tag nrho cov lag luag, xws li cov Lag Luag Tseem Ceeb thiab Kev Ua Hauj lwm, yuav tsum:
  1. Yog tias ua tau, siv cov txuj technology kom txhob muaj kev sib tim ntsej tim muag, uas siv kev sib tham nyob nyob saum huab cua, sib tham hauv xov tooj, thiab ua hauj lwm hauv tsev.
  2. Tsis txhob mus khob qhov rooj nrog neeg tham.
- ii. Txhawb nqa kom cov lag luag thiab cov hauj lwm tseem ceeb qhib twj ywm. Cov lag luag thiab hauj lwm tseem ceeb yuav tsum:
  1. Qhov zoo tshaj ces ua raws li txoj cai Nyob Kom Sib Nrug uas txhais nyob rau hauv qhov kev Xaaj no rau txhua leej txhua tus thaum neeg nyob ua ke rau ib qhov chaw, xws li cov neeg ua hauj lwm, cov neeg mus kav kiab kav khw, thiab tej pej xeeb.
  2. Tsuas pub cov neeg ua hauj lwm nyob rau ntawm thaj chaw ntawd tsis pub tshaj dhauj txoj cai pub kom ua tau lub luag hauj lwm.
  3. Tu thiab muab tshuaj ntxuav tej chaw kom zoo tshaj dua qub kom cov neeg ua hauj lwm thiab cov neeg tuaj siv tsis txhob raug tus kab mob COVID-19, thiab npaj ib tug txheej txheem los siv tu thiab muab tshuaj ntxhuav tej chaw yog hais tias muaj neeg tau tus kab mob COVID-19 nyob rau ntawm chaw ua hauj lwm.
  4. Tsim tsa ib txoj cai txwv tsis pub cov neeg ua hauj lwm kag mus rau hauv qhov chaw ntawd yog tias lawv ua pa tsis tshua tau los yog tau nrog ib tug neeg muaj tus kab mob COVID-19 ua ke lawm.
- iii. Cov Lag Luag los yog Cov Hauj Lwm Tseem Ceeb tsis kaw uas muaj neeg ua hauj lwm zov/ntaus khoom/sau nyiaj, xws li cov khw muag khoom, yuav tsum:
  1. Npaj ib qhov chaw nyob sab nraum zoov

ntawm ntug kev rau neeg tuaj nqa cov khoom lawv yuav kom tsis txhob muaj neeg coob los rau hauv lub khw thiab ua kom tsis txhob muaj neeg coob ua ko tw sawv tos nraum zoov.

2. Cov khw lub plag tsev tsis dav tshaj 50,000 square feet rau cov neeg tuaj kav khwv ncig, tsuas pub cov neeg kav khw ntxiv cov neeg ua hauj lwm cig txog 25% hauv lub plag tsev, uas yog txoj cai tsim tawm hauv lub zos los.

3. Cov khw dav tshaj 50,000 square feet:

a. 1,000 square teet twg tsuas pub txij li 4 tus neeg yuav khoom los hauv lub khw ib zaug xwb (tsis xam cov neeg ua hauj lwm).

b. Ib lub lim piam qhib 2 teev rau cov neeg muaj hnuv nyug 60 xyoo, cov poj niam xeeb tub, thiab cov neeg muaj mob xws li mob plawv, ntsav qab zib thiab mob ntsws tuaj kav khw.

4. Teeb ib txoj kab rau neeg nkag los kom raws li txoj cai nyob rau ntu 2.b.iii 2. thiab 2.b.iii.3.; thiab ua cov cim rau txoj kab kom cov neeg nyob sib nrug kom deb 6 feet ntawm lwm tus neeg thaum lawv tseem tos. Cov khw kuj nrhiav lwm txoj kev pab dhau li ntawm txoj kab, xws li kom cov neeg yuav khoom nyob hauv lawv lub tsheb es mam li sau text los yog hu xov tooj thiab teem sij hawm mus nqa los yog nkag mus hauv lub khw

3. **Tej yam txwv.** Txwv tsis pub sib txoo ua ke tsis hais hauv yus vaj yus tsev los yog sab nrauv txawm tias neeg coob los tsawg uas tsis yog cov neeg nyob ua ke hauv ib tsev neeg. Dhau li tsev neeg lawm, yuav tsum tau kev tso cai mam sib ntsib tau raws li qhov kev Xaaj no. Tsis muaj ib nqes nyob hauv qhov kev Xaaj no txwv tsis pub cov neeg nyob ua ke ib tse sib txoo ua ke. Cov neeg xaub tsev los yog cov neeg saib vaj tsev yuav tsum tsis txhob nkag mus rau hauv cov tsev xaub tshwj xeeb muaj tej yam puas es yuav tau kho.

4. **Kaw.** Cov chaw hauv qab no yuav tsum tau muab kaw:

a. **Tsev kawm ntawv.** Tsev kawm ntawm luam thiab ntiav qib K-12 yuav tsum tau muab kaw kom tag rau lub xyoo

kawm ntawv 2019-2020. Tsev kawm ntawv yuav muab kev qhia ntawv nyob tom vaj tom tsev los yog kawm nyob online (virtual learning). Tsev kawm ntawv qhib tau rau nom tswv siv ua tej hauj lwm tseem ceeb thiab faib zaub mov tawm. Nqi no tsis nkag rau txoj cai lub Wisconsin Department of Corrections siv cov chaw.

**b. Tsev Khaws Ntawv.** Cov tsev khaws ntawv yuav tsum kaw tsis pub neeg tuaj, tshwj xeeb lawv muab kev pab zoo li teev nram qab no:

- i.** Muab kev pab on-line services thiab programming.
- ii.** Tuaj nqa ntawv thiab tej khoom uas yog tsev khaws ntawv tug ntawm ntug kev, thiab tag nrho cov hauj lwm yog ib tug neeg ua nyob rau ib chav los yog kaw tus kheej rau ib qhov chaw. Yuav tsum sau ntawv online los yog hu xov tooj tuaj kom npaj cov ntawv ua ntej tuaj nqa, lub tsev khaws ntawv yuav tsis kom cov neeg nqa ntawv kos npe. Lub tsev khaws ntawv yuav tsum teem sij hawm tuaj nqa ua kom raws lis qhov Kev Nyob Sib Nrug uas txhais nyob rau Ntu 16 ntawm qhov Kev Xaaj Nyob Hauv Tsev Nyab Xeeb Dua.
- iii.** Tsoom Fwv Tej Hauj Lwm Tseem Ceeb.
- iv.** Faib zaub mov tawm.

**c. Cov chaw ua si thiab kev ua si.** Txawm hais tias nyob hauv tsev los yog nraum zoov, cov chaw ua si thiab kev ua si yuav tsis qhib, xws lis cov chaw (parks) neeg mus ua si, carnivals, paj dej ua si, pas dej da (swimming pools) public los yog private, chaw ua luam dej, chaw tu ntse rau neeg saib, vaj tsiaj, museurms, arcades, chaw ua si (fairs), chaw me nyuam yaus ua si, chaw ua si nraum zoov, chaw muaj kev ua si lom zem, theme parks, chaw ntau bowling, tsev saib yeeb yaj kiab (movie), chaw neeg hu nkauj, chaw ntau golf, chaw neeg sib ntsib sib sau ua ke, thiab chaw ua exercise. Cov chaw thiab hauj lwm teev nram qab no qhib tau tab sis yuav tau ua raws txoj cai:

- i.** Cov chaw ntaus golf public thiab private qhib los tau, tab sis yuav tau ua li cov cai nram qab no:
  - 1.** Txwv tsis pub siv lub golf cart.
  - 2.** Yuav tsum nyob sib nrug txhua lub sij hawm, tsuas yog cov neeg ntaus golf ua ke ib pab los yog koom nyob ib lub tsev thiaj nyob tau ua ke.

3. Yuav tsum them tus nqi nyob online los yog hu xov toom mus them ua ntej mus ntaus.
  4. Lub tsev clubhouses thiab chaw muag khoom yuav tsum tsis qhib. Cov chaw noj mov los yog chaw haus cawv qhib los tau tab sis yuav tsum ua raws lis txoj cai nyob rau ntu 13.d. thiab 13.e. ntawm qhov kev Xaaj.
  5. Lub sij hawm pib ntau (Tee times) yuav tsum muab ncau kom nrug tsis txhob muaj neeg nyob ua ke ib pawg los yog tau sib txoo ua ke nyob rau lub sij hawm ntaus golf.
  6. Txhua hom kev kho thiab tu yuav tsum ua raws li ntu 2.b.i. thiab 2.b.ii. ntawm qhov kev Xaaj no. Lwm yam hauj lwm ua kom tsawg li tsawg tau.
  7. Yuav tsum tsis qhib qhov driving range thiab miniature golf.
- ii.** Cov chaw ua si (parks) muab kaw los tau nyob ntawm cov neeg tswj kev noj qab haus huv hauv zej zog txiav txim, yog hais tias tej yam raws li hauv qab no tshwm sim:
1. Muaj neeg coob siv qhov chaw ntawd nyob rau tej lub caij es ua tsis tau raws lis txoj cai Kom Nyob Sib Nrug.
  2. Muaj neeg ua phem tsis tseg los yog ua kom tsis muaj kev kaj siab.
  3. Muaj neeg yuam txoj cai Nyob Hauv Tsev Nyab Xeeb Dua tsis tseg uas yuav ua kom muaj teeb meem rau lwm tus nyob rau qhov chaw ntawd.
  4. Cov tub ceev xwm hauv zej zog tsis muaj rab peev xwm los saib xyuas los yog tswj qhov kev Kom Nyob Sib Nrug.
- d.** Cov chaw txiav thiab ua plob haus thiab chaw zuaj ib ce (Salons and spas). Qhov no xws li, chaw txiav plob hau, chaw ua rau tes, chaw zuaj ib ce, electrolysis providers, chaw rho plaub (waxing salons), chaw ua plaub qhov muag, chaw ua tattoo, chaw kos duab rau lub cev, thiab chaw ziab kom tawv dub.



5. Txwv tsis pub tawm rooj thiab tawm rooj tau kev tso cai. Txwv txhua yam kev tawm rooj, tsuas yog tawm tau mus rau tej yam hauj lwm tseem ceeb uas txhais nyob rau qhov kev Xaaj no. Cov neeg caij tshab luam (bus/train) yuav tsum ua raws li txoj cai Nyob Kom Sib Nrug kom zoo li zoo tau.
6. Ua raws nraim lis DHS thiab CDC cov txheej txheem. Thaum ua tej yam uas tau kev tso cai raws li qhov kev Xaaj no lawm, txhua tus neeg, cov koom haum, tsoom fwv cov neeg/chaw ua hauj lwm, thiab lwm pab neeg uas tau kev tso cai yuav tsum ua raws li DHS cov txheej txheem uas nyob rau ntawm no: <https://www.dhs.wisconsin.gov/covid-19/index.htm>.

Txhua cov Lag Luag thiab cov Hauj Lwm Tseem Ceeb thiab cov lag luag uas qhib ua hauj lwm me me yuav tsum ua raws nraim lis DHS cov txheej txheem rau cov lag luag uas teev rau ntawm no: <https://www.dhs.wisconsin.gov/covid-19/employers.htm>.

7. Cov neeg laus thiab cov neeg lub cev tsis muaj zog rau qhov muaj tej kev mob nkeeg yuav tsum ceev faj tshaj. Cov neeg muaj feem tau tus kab mob mob COVID-19 thiab cov neeg uas muaj mob yuav tsum nyob hauv tsev, tsuas yog tawm mus kho mob xwb. Tsis muaj ib yam dab tsi nyob rau qhov kev Xaaj no yuav txwv kom DHS thiab cov neeg saib kev mob nkeeg hauv zej zog hais los yog tswj hwm qhov kev xaaj kom neeg nyob ib leeg kheej raws li Wsiconsin txoj cai Wis. Stat. ch. 252 thiab cov cai hauv lub zos.

## **TEJ YAM TSHWJ XEEB**

8. **Kev Kho Mob thiab Kev Ua Hauj Lwm Noj Qab Haus Hus Rau Pej Xeem.** Lub hom phiaj ntawm qhov Kev Xaaj no, neeg yeej tawm tau hauv tsev mus ua hauj lwm los yog mus cuag kev kho mob nyob rau tej chaw kho mob.

Cov Chaw Kho Mob thiab Kev Pab Cuam Txog Kev Noj Qab Haus Huv muaj xws li: tsev kho mob (loj); tej chaw kho mob (me); clinics; cov tseb kho mob phais neeg uas raug xwm txheej ceev heev los yog raug tus kab mob COVID-19 ; chaw ua khoom rau tsev kho mob, cov neeg ua hauj lwm, cov neeg tawm tswv yim thiab npaj khoom xa tawm, thiab cov neeg ua hauj lwm tu khoom/teeb khoom/xa khoom tawm/txais khoom rau cov khoom siv rau kev kho mob, cov khoom siv tiv thaiv cov neeg ua hauj lwm (PPE), cov medical gases, tshuaj, ntshav, tshuaj tiv thaiv kab mob, tshuaj ntsuam, khoom siv hauv laboratory, khoom tu vaj tu tsev, muab tshuaj ntxuav tej chaw muaj kab mob los yog muab tshuaj ntxuav tej khoom siv, thiab cov ntaub so ntswg thiab so tes; chaw kho hniav; tsev muag tshuag; cov chaw khaw ntaub ntawv txog kab mob, tshuaj ntsuam kab mob, thiab qhia txog kev noj qab haus huv; lag luam ua tshuaj, tsev muag tshuaj, khoom siv kho mob, thiab cov lag luam biotechnology (xws lis ua hauj lwm, tshawb fawb thiab txhim kho, ua khoom tshiab); cov lag luam ua hauj lwm tswj ntaub ntawv txog phab technology rau kev kho mob; cov koom haum khaws ntshav, thiab lwm yam ua tsim nyog; kws kho mob xog poj niam lub nrog cev, xws li cov obstetricians,



gynecologists, thiab midwife; cov chaw tshuaj txog kho qhov muaj, nrog rau cov chaw muag tsom iav qhov muag; cov chaw hauj lwm saib xyuas txog kev pab tu neeg tom vaj tom tsev nrog rau cov tu mob; cov kws kho txog kev nyuaj siab puas hlwb thiab siv yeeb siv tshuaj; cov chaw kho thiab thum yeeb tshuaj; cov kev pab cuam rau cov koob tshaj tshuaj, thiab cov tshuaj; lwm cov chaw kho mob, ua cov twj kho mob, thiab cov kws kho mob; cov chaw thauj neeg thiab thauj cov twj kho mob tas mus pov tseg; cov chaw muab kev pab tu neeg; chaw tu cov neeg tos sij hawm tas sim neeg; cov chaw muab kev pab txog kev noj qab haus huv; cov nkaug koob; cov kws zuaj ib ce; cov kws kho qij pob txha; thiab cov tsev tu cov neeg laus.

Tshwj xeeb nyob hauv Healthcare and Public Health Operations yog cov chaw ua cov twj kho mob, cov neeg khiav cov khoom kho mob, cov saib xyuas cov khoom siv kho mob, nrog rau cov neeg ua hauj lwm hauv cov chaw rau cov twj siv kho mob thiab cov xa tej khoom tawm, cov khoom siv tiv thaiv tus kheej [personal protective equipment (PPE)], cov cua siv rau kev kho mob (medical gases), cov chaw tsim tshuaj siv kho mob, ntshav thiab tej khoom siv rau ntshav, cov tshuaj txhaj , tej twj siv sim khoom, tej khoom siv hauv cov laboratory, tu/ntxuav tsev, tshuaj tu/ntxuav kom txhob muaj kab mob los yog, thiab tej ntawv tshuab ntswg thiab so tes Healthcare and Public Health Operations kuj yog cov chaw kho mob rau tej tsiaj nyeg thiab. Yuav tsum tsis txhob ua tej yaj hauj lwm tu tsiaj uas tsis tseem ceeb.

Cov chaw noj mov nyob hauv cov chaw kho mob tsuas qhib rau cov neeg ua hauj lwm thiab cov qhua ua tau kev tso cai tuaj siv xwb, tab sis yuav tau ua raw lis cov nqe lus nram qab no:

- a. Txwv tsis pub neeg nyias mus daus zaub mov noj thiab muab dej haus
- b. Txwv tsis pub cov qhua tuaj noj mov muab cov khoom noj tsi qhwv hnab thiab dej faib rau lwm tus neeg.
- c. Cov qhua tuaj noj mov thiab cov neeg ua hauj lwm yuav tsum ua raws nraim li txoj cai Nyob Sib Nrug Kom Deb, xws li chaw zaum thiab sawv ntawm kab.

Kev Ua Hauj Lwm Kho Mob yuav saib kom zoo kom tsis txhob muaj teeb meem txog kev kho mob. Kev Ua Hauj Lwm Kho Mob tsis xam cov chaw mus ua exercise, chaw txiav plob hau, chaw ua rau tes, chaws zuaj ib ce, chaw ua tattoo, chaw kos duab rau ib ce, chaw ziab kom tawv dub thiab lwm hom chaw ua zoo ib yam.

9. **Kev Ua Hauj Lwm Pab Tib Neeg.** Lub hom phiaj ntawm qhov kev Xaaj, neeg tawm tau hauv tsev mus ua hauj lwm los yog tawm mus cuag kev pab nyob rau hauv lub xeev, chaw ua hauj lwm, los yog koom haum muab kev pab rau cov pej xeev.

Kev Ua Hauj Lwm Pab Tib Neeg muaj xws li, chaw tu neeg laus thiab tsev laus, tsuas yog tias lub chaw yuav tau ua raws nraim li DHS cov lus pom zoo hais txog kev tiv thaiv ntawm tus kab mob COVID-19 nyob rau hauv cov tsev laus thiab ua raws nraim li U.S. Centers for Disease Control cov kev pom zoo; chaw nyob rau cov neeg laus, cov laus, me nyuam yaus, cov neeg raug kev tsim txom, cov neeg xiam hoob qhab, cov neeg quav yeeb quav tshuaj, los yog cov neeg muaj tus mob xiam hlwb; cov chaw muab kev pab mus ib lub sij hawm luv; cov tsev muaj kev pab rau cov neeg muaj kev xiam hoob khab mus tsis taus kev, lub tswv yim tsis mee pem, cov neeg laus, cov laus los yog me nyuam; cov chaw zov cov laus nruab hnuab, kev pab cuam rau cov laus, thiab kev pab cuam rau kev tu hauv tsev; cov chaw ua hauj lwm uas muab kev pab cuam thiab txiav txim seb puas tsim nyog tau kev pab cuam xws li khoom noj, nyiaj ntsuab, kev kho mob, kev kawm hauj lwm, los yog kho kom rov mus ua tau hauj lwm; cov chaw pab cov neeg; cov koom haum pab nrhiav neeg yuav me nyuam mus tu ua; cov lag luam uas pab khoom noj, chaw nyob, kev pab cuam, los yog lwm yam tseem ceeb rau cov neeg tsis muaj kev mus khwv tau txaus noj, cov neeg muaj kev xiam hoob khab ntau yam.

Kev Ua Hauj Lwm Pab Tib Neeg yuav tsum tau xyuas kom zoo kom tsis txhob muaj teeb meem raug rau kev pab tib neeg.

- 10. Cov Infrastructure (vaj tsev, kev, hluav taws xob) Tseem Ceeb:** Lub hom phiaj ntawm qhov kev Xaaj, neeg tawm tau hauv tsev mus ua hauj lwm rau, pab, los yog kho kom muaj vaj tsev nyob, tej kev tsheb thiab tsheb nqaj laus khiav tau, muaj hluav taws xob rau neeg siv.

Cov Infrastructure tseem ceeb muaj xws li: Ua khoom noj, thauj khoom, chav ntim khoom thiab xa khoom tawm, chaw khaws khoom, chaw nkoj nres, thiab chaw muag; kev ua vaj ua tsev coj los siv rau lub sij hawm muaj chaw siv kho mob, tsev kho mob (log), tsev nyob rau cov neeg laus, hauj lwm kho kev, tsev kawm ntawv, ua vaj ua tsev/kho kev rau cov lag luam tseem ceeb, ua vaj tsev coj los rau nom tswv siv thaum muaj chaw siv, thiab ua vaj ua tsev rau neeg nyob, tab sis tsis pub kho vaj tsev yog hais tias yuav kho kom zoo nkauj xwb, txhwj xeeb yuav tsum tau kev tso cai mam li kho tau tsuas yog ua kom siv tau xwb. Tswj vaj tse thiab kho vaj tse; ua hauj lwm nyob hauv tshav dav hlau, tu tej chaw thiab kho hluav taws xob, dej, gas, kav dej tawm, thiab lwm yam kom tsis txhob muaj teeb meem; cov chaw muab kev pab cuag kho vaj tsev rau neeg, cov chaw pab nyiaj them nqi hluav taws xob thiab gas rau cov neeg txom nyem, cov chaw muab kev pab cuam rau cov neeg txom nyem, chaw neeg mus nrhiav tau kev pab, chaw neeg mus ua ntaub ntawv; cov chaw xa khoom tawm; chaw lim roj, kev tsheb khiav hauv zos, kev loj rau tsheb khiav, ciav tsheb nqaj hlau, thiab kev thauj khoom mus los hauv zej zog; chaw nkoj nres, hauj lwm tiv thaiv kev ruaj ntseg rau kev siv computer; tiv thaiv dej nyab, sau khib nyiab thiab thaum mus pov tseg; thiab internet, video, thiab kev sib txuas lus (xyuas kom tej khoom siv ua tau hauj lwm tsis hais thoob ntiaj teb, hauv lub teb chaws los yog hauv zej zog).

Cov hauj lwm tseem ceeb hais txog cov Infrastructure no yuav tsum ua tib zoo xyuas kom tsis txhob muaj teeb meem.

## LUB NTSIAB LUB

11. Cov Hauj Lwm Tseem Ceeb. Neeg yeej tawm tau hauv tsev los yog chaw nyob mus ua cov hauj lwm raws li nram qab no:
  - a. Kev noj qab haus huv thiab kev nyab xeeb. Mus ua hauj lwm uas tseem ceeb heev rau lawv kev noj qab haus huv thiab kev nyab xeeb, los yog lawv tsev neeg, xws li lawv tej tsiaj. Piv txwv li mus nqa khoom kho mob los yog nqa tshuaj, mus rau cov chaw emergency, los yog mus ntsib kws kho mob. Yog hais tias ua tau, neeg yuav tau siv telehealth (computer) nrog kws kho mob sib tham.
  - b. Cov khoom siv thiab kev pab cuam tseem ceeb. Mus kho mob los yog yuav tshuaj/khoom kho mob rau lawv tus kheej thiab tsev neeg, los yog tawm mus xa khoom noj xws li kaus poom, khoom noj qhuav, zaub thiab txiv ntoo, roj tsheb, roj taws qhov cub ua zaub mov noj (propane), khoom noj/khoom siv rau tsiaj, nqaij nyoos, thiab lwm yam khoom siv, thiab cov khoom yuav tsum tau muaj los tus vaj tsev kom muaj kev nyab xeeb rau tsev neeg.
  - c. Kev tawm rooj mus nraum zoov. Kev tawm mus nraum zoov, xws li mus ncig xyuas cov chaw ua si (state parks), yuav tsum ua raws nraim li txoj cai Nyob Sib Nruj Kom Deb txhais nyob hauv qab no. Tej yam kev tawm rooj muaj xws li, taug kev, caij nees zab, mus nce roob, los yog mus khiav. Neeg tsis txhob mus ua si ua ke ib pab li kev pov basketball, pov frisbee, ncaws pob, los yog football. Cov kev ua si no tsis raug cai raws li txoj cai Nyob Sib Nruj Kom Deb. Cov chaw ua si kaw tag lawm.
  - d. Tej hom hauj lwm. Ua tej cov hauj lwm tseem ceeb nyob hauv tej lag luam tseem ceeb, los yog ua tej cov hauj lwm tau kev tso cai nyob rau qhov kev Xaaj no, xws li cov hauj lwm ua kom tsawg li tsawg tau thiab nqa khoom yuav tau ua hauj lwm hauv tsev.
  - e. Tu lwm tus neeg. Qhov kev Xaaj no pub tu ib tug neeg hauv tsev, tus phooj ywg, los yog tsiaj nyob lwm lub tsev, thiab thauj ib tug neeg hauv tsev, tus phooj ywg, los yog tsiaj.
12. Nom Tswv Lub Luag Hauj Lwm Tseem Ceeb. Nom Tswv Lub Luag Hauj Lwm Tseem Ceeb yog txhua yam hauj lwm tawm ntawm Lub Xeev, Tribal (cov Qhab), los yog nom tswv hauv zej zog xyuas kom hauj lwm khiav tau thiab muab kev pab cuam kom muaj kev noj qab nyob zoo, muaj kev nyab xeeb, thiab muaj kev noj qab haus huv rau cov pej xeeb. Ib lub zos twg, cov nom tswv mam txiav txim seb qhov twg yog qhov tseem ceeb, yog hais tias muaj, thiab mam li xaiv cov neeg ua hauj lwm los yog ntiav neeg sab nrauv mus ua cov hauj lwm ntawd.

Lub hom phiaj rau qhov kev Xaaj no, tag nrho cov neeg ua hauj lwm them nyiaj los yog cov ua hauj lwm pab dawb, xws li cov tub ceev xwm, cov EMS, thiab cov tua hluav taws; cov tub ceev xwm tseem kawm; cov neeg mus tshuaj ntsuam; cov neeg ua hauj lwm saib xyuas xwm txheej ceev heev; cov neeg teb xov tooj thiab xa cov neeg ua hauj lwm mus xyuas ; cov neeg ua hauj lwm hauv tsev hais plaub, cov neeg txiav txim plaub ntug; cov neeg saib neeg raug txim; cov neeg ua hauj lwm saib xyuas txog tej khoom yuav raug xwm txheej tsis zoo (hazardous materials responders); cov neeg ua hauj lwm tiv thaiv thiab saib xyuas me nyuam yaus; cov neeg saib vaj tsev thiab chaw neeg nyob; cov National Guard thiab cov tub nrog; thiab lwm cov neeg ua hauj lwm los txhawb rau cov hauj lwm tseem ceeb no tsis siv qhov kev Xaaj no.

Nyob rau ntu no tsis tau txwv kom Tsev Hais Plaub Loj Hauv Wisconsin (Wisconsin Spreme Court) siv txoj cai los yuam cov tsev hais plaub qis kom lawm ua tsis tau hauj lwm los yog hloov lawv tej hauj lwm vim muaj mob thooob teb chaws. Nyob rau ntu no tsis tau txwv cov nom tswv tsim cai (Wisconsin Legislator) kom muaj kev sib ntsib los yog ua hauj lwm.

Cov chaw ua hauj lwm yuav tsum tau ua raws nraim li Wisconsin Department of Justice's Office of Open Government qhov kev qhia hais kom muaj kev sib tham thiab yuav tsum sab laj ncaj qha nrog rau lub chaw ua hauj lwm ntawd yog muaj lus nug txog kev sib tham. Muaj kev qhia nyob ntawm no: [https://www.doj.state.wi.us/sites/default/files/news-media/3.20.20\\_OOG\\_Final.pdf](https://www.doj.state.wi.us/sites/default/files/news-media/3.20.20_OOG_Final.pdf). Tsoom fvv cov chaw ua hauj lwm muaj lus nug hais txog kev cai rau cov kev sib tham yuav tsum sab laj nrog rau Wisconsin Department of Justice's Office of Open Government.

**13.** Lag Luam thiab Cov Hauj Lwm Tseem Ceeb. Lub hom phiaj rau qhov kev Xaaj no, Lag Luag thiab Cov Hauj Lwm Tseem Ceeb yog kev kho mob thiab Hauj Lwm Kho Mob, Kev Ua Hauj Lwm Pab Neeg, Vaj Tsev thiab Kev Mus Los Tseem Ceeb, thiab Nom Tswv cov Hauj Lwm Tseem Ceeb, thiab cov teev nram qab no:

- a.** Daim CISA List. I blub lag luam twg los yog tus neeg ua hauj lwm teev npe nyob hauv U.S. Department of Homeland Security, Cybersecurity & Infrastructure Security Agency (CISA), Memorandum on Identification of Essential Critical Infrastructure Workers During COVID-19 Response, hloov dua tshiab rau lub 3 Hlis Ntuj tim 23, 2020, thiab tsab ntawv no uas tawm dua tshiab.
- b.** Cov khw muag khoom noj thiab muag tshuaj. Cov khw muag khoom noj, muag mov ci, muag tshuaj, muag khoom ua liaj ua teb, khw muag khoom siv thiab khoom noj, chaw muab khoom noj pub neeg, khw muag roj thiab khoom noj, thiab lwm cov khw uas muag khoom noj, kaus poom, khoom noj qhuav, khoom tsau nab kuab, txiv ntoo thiab zaub, khoom siv rau tsiaj, nqaij nyoos, nqaij ntsees, qaij qaij, khoom noj npaj tau lawm, dej haus thiab cawv, thiab

muag lwm yam khoom siv hauv tsev, xws li khoom tu vaj tu tsev thiab khoov siv rau neeg. Cov chaw no yuav tsum:

- i.** Kaw cov chaw npaj rau neeg zaum noj mov.
- ii.** Kaw cov chaw ua zaub mov noj uas neeg los nqa, chaw ce dej haus, thiab chaw neeg daus zaub mov.
- iii.** Dhau li ntawm cov khw muag khoom noj, txwv tsis pub cov qhua muab cov khoom tsis tau qhib tev.
- iv.** Ua raws li txoj caij Nyob Kom Sib Nrug Deb.

Tsis txhob to taub yuam kev tias ntu no tso cai rau cov lag luam muag zaub mov noj thiab dej caw kom qhiv tau. Cov lag luam no twb hais kom kaw raws li nyob hauv Ntu 4 uas tej zaum muag zaub mov thiab dej caw.

**c.** Khoom noj thiab dej caw, thauj mus los, thiab kev ua liaj ua teb. Kev ua khoom noj thiab dev caw thiab thauj mus los thiab cog qoob loo; ua liaj ua teb, tu tsiaj txhu, yug ntses, ci mov ci, thiab lwm yam khoom siv ua liaj ua teb xws li, cog, tshaj tawm rau neeg paub, tu, thiab xa tej tsiaj thiab khoom noj tawm mus rau neeg tau siv; cov lag luam uas npaj qhauv, npaj chaw nyob, thiab lwm yam rau tsiaj, xws li chaw rau tsiaj nyob, cawm tsiaj, thiab chaw tu tsiaj; ua teb thiab cov twj ua teb, cov khoom siv ua teb, thiab kev kho.

**d.** Chaw Noj Mov. Cov chaw noj mov yuav tsum kaw, yog ho qhib yuav tsum ua raws li nram qab no:

- i.** Chaw noj mov qhib los tau tab sis pub tuaj nqa los yog xa tawm xwb.
- ii.** Kev muag dev caw yuav tsum ua raws nram li ntu 13.e. hauv qab no.
- iii.** Tsuas pub cov qhua yuav khoom nkag mus hauv tsev mus xaaj, nqa, thiab them nyiaj rau cov zaub mov los yog dej cawv xwb.
- iv.** Tsis pub muaj rooj tog zaum.
- v.** Tsis pub noj zaub mov thiab haus dej haus cawv nyob rau ntawm cov chaw no, tsis

hais nyob hauv tsev los yog nraum zoov.

- vi.** Cov chaw no yuav tsum ua raws nraim li txoj cai Nyob Sib Nruj Kom Deb, tsis pub neeg nyob sib ze rau ntawm qhov chaw ntawd.
  - vii.** Tsis pub nyias mus daus nyias zaub mov noj thiab nqa dej haus ntawm cov rooj rau mov.
  - viii.** Txwv tsis pub cov qhua muab cov khoom noj thiab cov dej haus uas tsis ntim hnab.
- e.** Chaw haus dej cawv. Cov chaw no xws li chaw ua bias, chaw ua txiv cawv, chaw ua cawv thiab chaw muag dej caw. Cov chaw no yuav tsum tau kaw, yog ho qhib yuav tsum ua raws li nram qab no:
- i.** Pub muag dej caw thiab zaub mov noj rau neeg yuav nqa mus xwb, tab sis yuav tsum tau kev tso los ntawm lub xeev thiab hauv zej zog.
  - ii.** Txwv tsis pub xa dej caw mus rau cov qhua.
  - iii.** Cov chaw muag txiv cawv tau ntawv tso cai xa tau txiv cawv tawm kom raws li lawv daim ntawv tso cai.
  - iv.** Cov qhua tsuas nkag tau mus xaaj khoom, nqa khoom, thiab them nyiaj hauv cov chaw no xwb.
  - v.** Tsis pub muaj rooj tog zaum.
  - vi.** Tsis pub noj mov thiab haus dej caw hauv qhov chaw, tsis hais hauv tsev los yog nraum zoov.
  - vii.** Cov chaw no yuav tsum ua raws nraim li txoj cai Nyob Sib Nruj Kom Deb, tsis pub neeg nyob sib ze rau ntawm qhov chaw ntawd.
  - viii.** Txwv tsis pub qhib cov rooj rau zaub mov noj thiab dej haus.
  - ix.** Txwv tsis pub cov qhua muab cov khoom noj thiab cov dej haus tsis tua ntim hnab.
- f. Chaw Zov Me Nyuam.** Tus Thawj Tswj Secretary-

designee Andrea Palm qhov Kev Xaaj #6 tseem nyob li qub, tsuas yog muaj tej yam raws li nram qab no hloov lawm:

i. Chaw zov me nyuam yuav tsum npaj cov neeg ua hauj lwm raws li nram qab no:

1. Pab 1: cov neeg ua hauj lwm, cov neeg ntiavsab nrauv tuaj ua hauj lwm, thiab lwm cov neeg ua hauj lwm pab rau kev noj qab haus huv;

2. Pab 2: cov neeg ua hauj lwm, cov neeg ntiav sab nrauv tuaj ua hauj lwm, thiab lwm cov neeg ua hauj lwm tseem ceeb xws li cov tub rog; cov ua hauj lwm tu neeg laus; cov tu neeg tom tsev; cov ua hauj lwm muab tshuaj; cov neeg zov me nyuam; cov neeg ua hauj lwm nrog me nyuam yaus; tsoom fwv cov hauj lwm; cov neeg ua hauj lwm saib kev nruaj ntseg thiab tu khib nyiab, thauj neeg, hluav taws xob/gas, thiab xov tooj; cov neeg ua hauj lwm npaj khoom no, npaj khoom noj and xa tawm, thiab lwm hom hauj lwm uas lub chaws ua h a u j l w m u a s l u b Department of Children and Families pom zoo.

ii. Cov chaw zov me nyuam muaj xws li cov chaw muaj cai zov me nyuam uas zov me nyuam muaj hnuv nyug li cas los tau los yog zov cov me nyuam muajhnuv nyug txog 13 xyoos, los yog cov muaj daim ntawv tso cai zov cov me nyuam xiam hoob qhab uas zov mus txog hnuv nyug 19 xyoos.

g. **Cov koom haum muab kev pab thiab uas hauj lwm pab neeg.** Cov lag luam thiab cov chaw teev ntuj thiab cov koom haum, xws li cov chaw pab rau kev kawm ua hauj lwm, chaw neeg mus nqa khoom noj, thaum muab khoom noj faib tawm, chaw rau neeg nyob, thiab chaw ua hauj



lwm pab neeg, thiab lwm yam kev pab rau cov neeg txhom nyem, cov neeg xav tau kev pab nyob rau lub sij hawm muaj kev mob thoob teb chaw, thiab cov neeg xiam hoob qhab.

- h. Kev sib yuav, kev pam tuag, thiab chow chaw teev ntuj.** Cov chaw teev ntuj, cov neeg teev ntuj, thiab kev sib txhoo ua ke, kev sib yuav thiab kev pam tuag, cov neeg sib txhoo ua ke yuav tsum muaj tsawg tshaj 10 leej nyob rau ib qhov chaw thiab ua raws li txoj cai Nyob Sib Nrum Kom Deb.
- i. Tsev txias.** Cov tsev txias, uas txhais nyob hauv Wisconsin txoj cai Wis. Stat. § 445.01(6), yuav tsum muaj tsawg tshaj 10 leej nyob ua ke rau ib qhov chaw thiab yuav tsum ua raws li txoj cai Nyob Sib Nrug Kom Deb.
- j. Xov Xwm.** Ntawv xov xwm, television, vib thab nyub, thiab lwm hom kev tshaj xov xwm.
- k. Chaw txhab roj thiab lwm yam lag luam ua yuav tau thauj khoom mus los.** Chaw txhab roj; khoom siv rau tsheb thiab maus tau, kho thiab muag; khoom siv rau nkoj, kho thiab muag; thiab khoom siv rau maus taus, kho, thiab muag
- l. Txhab cia nyiaj thiab kev ua hauj lwm.** Txhab cia nyiaj, credit unions, and thiab lwm hom chaw tso nyiaj los yog txais nyiaj; cov chaw muag kev tuav pov hwm; cov neeg ua cov hauj lwm tseem ceeb nyob rau ntawm broker dealers thiab cov muab tswv yim pab txog kev cia nyiaj txiag.
- m. Chaw muag khoom kho vaj tsev thiab siv hauv tsev.** Cov chaw muag khoom siv rau hluav taws xob, dej, thiab cua sov, thiab khoom ua vaj ua tsev.
- n. Cov lag luam tseem ceeb.** Cov poj niam thiab txiv neeg ua vaj ua tsev, cov neeg cab kav dej, ua hluav taws xob, cov neeg txua rooj txua tog, cov neeg ua hauj lwm, cov neeg txhua hlau, cov neeg nchuav hlau, cov neeg puab pob zeb, cov neeg nchuav raj yaas, cov neeg txua khoom, cov neeg muab khoom ua kom tiav, cov neeg tua kab/tuaj laum, kev txhuag tshuaj, cov neeg tus vaj tsev nyob hauv cov tsev loj thiab nom tswv cov chaw ua hauj lwm, cov neeg saib xyuas kev ruaj ntseg, cov engineers, cov neeg kho cua sov cua txias, cov neeg thas xim, cov neeg thauj khoom tsiv tsev, cov neeg ua hauj lwm saib xyuas hav zoov, thiab lwm cov neeg ua hauj lwm muab kev pab kom muaj kev nyab xeeb, thiab tu lub zej zog kom cov pej xeem, cov lag luam thiab cov nom tswv ua tau hauj lwm zoo.

- o. Kev xa ntaub ntawv ntawm.** Lub chaw xa ntawv thiab cov lag luam thauj thiab xa khoom tawm, thiab cov lag luam thauj thiab xa khoom noj, zaub mov, dej caw, khoom siv los yog xa khoom rau neeg.
- p. Kev ntxhua khaub ncaws.** Cov chaw ntxhua khaub ncaws, ntxhua khaub ncaw qhuav, ntxhua khaub ncaws rau cov lag luam, thiab cov muab kev pab rau kev ntxhua khaub ncaws.
- q. Cov lag luam muag khoom siv rau koj lo ua hau tsev.** Cov lag luam muag khoom, ua khoom, los yog xa khoom rau neeg siv ua hauj lwm hauv tsev.
- r. Khoom Siv Rau Cov Lag Luam Tseem Ceeb thiab Kev Ua Hauj Lwm thiab Nom Tswv Cov Hauj Lwm Tseem Ceeb.** Cov lag luam muag khoom, ua khoom, los yog xa khoom rau cov Lag Luam Tseem Ceeb thiab lawv Cov Hauj Lwm thiab Nom Tswm Tej Hauj Lwm Tseem Ceeb kom pab tau lawv ua hauj lwm, xws li computers; cov suab, video electronics; khoom siv hauv tsev; IT thiab khoom siv sib tham lus; cov plhaub, xim/iav; khoom hluav taws xob, khoom siv txuas dej, thiab cua sov; khoom siv ua vaj ua tsev; khoom siv tu vaj tsev; khoom neeg siv; khoom noj; tshuaj thiab khoom kho pob txha; cov neeg muag phom thiab muas txwv, lub hom phiaj yog siv kom muaj kev nyab xeeb; twj yees duab; tshuaj ntsuam; khoom noj thiab dej caw; chemichals; ntawv thiab ntawv so tes; xab npum ntxuav tes thiab xab npaum ntxhua khaub ncaws.  
  
Cov lag luam los yog kev ua hauj lwm pom tias tseem ceeb nyob rau ntu no tsuas yog ua tau cov hauj lwm pab tau cov Lag Luam Tseem Ceeb thiab lawv tej hauj lwm thiab Nom Tswv Tej Hauj Lwm Tseem Ceeb xwb. Cov khoom los yog hauj lwm tsis tseem ceeb tsuas ua kom tsawg li tsawg tau.
- s. Kev thauj koom mus los.** Dav hlaus, tsheb ntiav xws li taxis, Uber thiab Lyft, tsheb xauj, thiab lwm hom kev thauj neeg uas yuav pab tau cov hauj lwm tseem ceeb thiab lwm yam uas hais nyob rau hauv qhov kev Xaaj no.
- t. Chaw tu neeg hauv vaj tsev thiab kev ua hauj lwm.** Kev tu neeg hauv tsev rau cov laus, cov muaj hnub nyug, cov me nyuam yaus, los yog cov neeg xiam hoob qhab, cov neeg siv yeeb siv tshuaj, los yog cov neeg xiam hlwb, nrog rau cov neeg tu los yog cov neeg zov uas lawv mus rau tom tus me nyuam tsev mus zov, thiab lwm yam kev pab xws li xa zaub mov mus tom lwm tus neeg lub tsev.
- u. Kev pab cuam (Professional services).** Kev pab xws li

kev cai lij choj los yog kev saib xyuas nyiaj txiag (legal lor accounting), kev tuav pov hwm, kev yuav/muag tsev (kuaj tsev thiab hloov npe tshiab rau lub tsev). Cov hauj lwm no yuav tsum siv kev sib ntsib sib tham nyob hauv hauv xov tooj, sib ntsib nyob online los yog ua hauj lwm hauv tsev kom tsis txhob tau sib ntsib tim ntsej tim muag.

- v. **Kev ua khoom, xa tawm, thiab npaj seb yuav xa mus rau qhov twg ntawm cov chaw ua hauj lwm tseem ceeb.** Cov chaw ua hauj lwm, cov chaw faib khoom tawm, thiab cov lag luam uas ua cov tseem ceeb xws li cov lag luam ua tshuaj, technology, biotechnoly, chaw kho neeg mob, chaw ua tshuaj chemicals thiab tshuaj tu vaj tsev, chaw tu khib nyiab thiab thauj khib nyiab pov tseg, chaw ua liaj ua teb, ua khoom noj thiab dej caw, xa khoom, energy, nchuav hlau, ua roj, khawb nyiaj/tooj/lwm yam, ua vaj tsev/ua kev, tiv thai tej chaws, kev sib txuas lus, thiab tej khoom siv rau nom tswv tej hauj lwm tseem ceeb thiab rau cov lag luag tseem ceeb thiab lawv tej hauj lwm.

Cov lag luam los yog kev ua hauj lwm pom tias tseem ceeb nyob rau ntu no tsuas yog ua tau cov hauj lwm pab tau cov Lag Luam Tseem Ceeb thiab lawv tej hauj lwm thiab Nom Tswv Tej Hauj Lwm Tseem Ceeb xwb. Cov khoom los yog hauj lwm tsis tseem ceeb tsuas ua kom tsawg li tsawg tau.

- w. **Cov hauj lwm tseem ceeb rau cov labor union.** Lub luag hauj lwm tseem ceeb muaj xws li tswj tej nyiaj txiag, thiab saib xyuas kev noj qab haus huv thiab kev nyab xeeb rau cov neeg ua hauj lwm rau cov lag luag tseem ceeb thiab lawv tej ahuj lwm, uas muab kev saib xyuas nyob hauv xov tooj los yog tshob yog tim ntsej tim muag.

- x. **Hotels thiab motels.** Hotels thiab motels, yuav tsum:

- i. Ua raws li cov cai nyob ntu 13.b, 13.d. thiab 13.e.
- ii. Kaw cov pas da dej, pas tsau dej kub, thiab cov chaw ua exercise.
- iii. Txwv tsis pub cov qhua sib txoos nyob rau ntawm qhov chaw txais qhua los yog chaw neeg mus los, xws li nrhiav chaw kom dav kom ua tua raws txoj cai Nyob Sib Nrug Kom Deb thaum tseem tos nyob rau ntawm lub rooj txais qhua.

- y. **Tsev kawm ntaw qib siab.** Lub hom phiaj ntawm tsev kawm ntawv qib siab yog los txiam txim hais txog kev

ntawv nyob tom vaj tom tsev, kev tshawb fawb, los yog tej yam hauj lwm tseem ceeb.

- z. WEDC designated businesses.** Yog tias ib lub lag luam tsis tau zwm npe nyob rau qhov kev Xaaj no hais tias yog ib lub lag luam los yog ua cov hauj lwm tseem ceeb tab sis ntseeg hais tias yuav tsum muaj npe, lub lag luam yuav tsum mus saib nyob hauv Wisconsin Economic Development Corporation (WEDC) lub website, nyob ntawm no: [www.wedc.org/nonessentialbusiness](http://www.wedc.org/nonessentialbusiness). Yog hais tias lub lag luam ntseeg hais tias nws tsis nkag rau kis Lag Luam los yog Hauj Lwm Tseem Ceeb, lawv yuav tau ua daim ntawv zwm npe mus rau Wisconsin Economic Development Corporation (WEDC) thov kom tau kev tso cai.

**14. Hauj Lwm Ua Tsawg Li Tsawg Tau.** Lub hom phiaj ntawm qhov kev Xaaj no, Cov Hauj Lwm Ua Tsawg Li Tsawg Tau muaj teev nyob nram qab no, cov neeg ua hauj lwm yuav tau ua raws li txoj caij Nyob Sib Nrug Kom Deb, thaum ua hauj lwm:

- a. Lub luag hauj lwm.** Lub luag hauj lwm tsawg tshaj yog los saib xyuas lub lag luam tej khoom, saib xyuas lub lag luam tej vaj tsev kom tsis txhob muaj teeb meem thiab tej khoom kom txhob puas tsuaj, xyuas kom muaj kev nruaj ntseg, them nyiaj rau neeg ua hauj lwm, los yog lwm yam hauj lwm zoo sib xws, nrog rau tej hauj lwm uas xa tawm mus rau lwm cov neeg ua sab nraum.
- b. Nyob lwm qhov chaw saib neeg ua hauj lwm.** Lub luag hauj lwm tsawg tshaj yog los pab cov neeg ua hauj lwm ua tau hauj lwm ntxiv mus nyob rau tom lawv vaj lawv tsev.
- c. Leej twg yuav tau ua txoj hauj lwm.** Cov lag luam thiab hauj lwm nkag rau kis tsis tseem ceeb yuav tsum tau txiav txim seb leej twg yuav raug ua hauj lwm thiab hais rau tus neeg ntawd paub.
- d. Nqa ntawv thiab saib ntawv.** Qhov ua tau tsawg tshaj muaj xws li xa ntawv, xa khoom, los yog txais khoom yog hais tias qhov hauj lwm ntawv muaj ib tug neeg ua xwb thiab nyob rau ib chav los yog kaw nws tus kheej rau ib qho chaw, xws li hauv lub tsheb los yog lub truck. Xa khoom los yog txais khoom tsis tas kom tus neeg txais kos lub npe rau. Xa khoom mus rau cov lag luam tsis tseem ceeb yog ib yam tsis tseem ceeb ces tsuas ua kom tsawg li tsawg tau kom xa tau khoom thiab muab kev pab rau cov lag luam uas tsis tseem ceeb nyob rau ntu no.
- e. Nqa nyob ntawm ntug kev.** Qhov ua kom tsawg li tsawg tau kuj yog nqa khoom nyob ntawm ntug kev yog hais tias

muaj ib tug neeg ua hauj lwm nyob rau ib chav los yog kaw tus kheej nyob rau ib qhov chaw, xws li hauv tshab los yog lub truck. Cov khoom yuav tsum yuav nyob online los yog hauv xov tooj ua ntej mus nqa. Lub chaw ua khoom, chaw xa khoom ntawm, los yog lub khw muag khoom yuav tsum muab co khoom ntim ua ntej. Lub khw muag khoom yuav tsis hais kom tus neeg yuav khoom kos npe rau. Lub chaw muag khoom yuav tsum teem lub sij hawm tuaj nqa kom ua raws nraim li txoj cai Nyob Sib Nrug Kom Deb uas txhais nyob rau ntu 16 ntawm qhov kev Xaaj Nyob Hauv Tsev Nyab Xeeb Dua. Xa khoom mus rau cov lag luam tsis tseem ceeb yog txoj hauj lwm tsis tseem ceeb thiab yuav ua kom tsawg li tsawg tau kom xa tau khoom thiab muab tau kev pab rau cov lag luam uas tsis tseem ceeb nyob rau ntu no.

**f. Khw muag khoom uas yog xuas tes ua thiab muag paj ntaub.** Cov khw muag khoom uas yog xuas tes ua thiab muag paj ntaub yuav tau kom neeg tuaj nqa nyob ntawm ntug kev uas piav nyob rau ntu 14.e. Yog ho muaj coob tshaj ib tug neeg ua hauj lwm, tab sis tsis pub coob tshaj raws li txoj cai pub kom ua tau hauj lwm npaj khoom kom txaus rau coj mus xaws cov ntaub npog qhov ncauj qhov ntswg. Lwm cov neeg ua hauj lwm uas tau kev tso cai ua hauj lwm nyob rau ntu no yuav muag tsis tau khoom, ntim tsis tau khoom, los yog pab muag tsis tau khoom txawm hais tias tsis yog cov khoom coj mus xaws hnab npog qhov ncauj qhov ntswg. Txhua tus neeg ua hauj lwm nrog rau cov khoom npog qhov ncauj qhov ntswg yuav tsum tau ua raws li cov cai nyob rau Ntu 2.b.i. thiab 2.b.ii. nyob rau qhov kev Xaaj no.

**g. Ua kom zoo nkauj los yog ua hauj lwm tu vaj tse/kho vaj tse sab nraum.** Tej yam hauj lwm me me xws li ua kom zoo nkauj los yog kho lub tsev sab nraum thiab tu nyom, yog hais tias tag nrho cov hauj lwm muaj ib leeg ua nyob rau ib chav los yog nws nyob nws rau ib qhov chaw, xsw li hauv tshab los yog hauv truck. Tsis pub coob tshaj ib tug neeg ua hauj lwm nyob rau ib qho chaw ib zaug twg xwb. Qhov hauj lwm tsis tas yuav kom tus neeg kos npe rau. Txwv tsis pub coob tshaj ib tug neeg ua hauj lwm nyob rau ntawm qhov chaw ua hauj lwm.

**15. Kev Tawm Rooj Tseem Ceeb.** Nqua hu kom txhua leej txhua tus nyob hauv tsev los yog hauv qhov chaw nyob. Yog tias tau yuav tsis pub neeg tawm mus rau lawv lub tsev thib 2. Ua raws nraim lis tsoom fwv tus txheej txheem thiab tiv thaiv cov xeev nyob ze peb, thov nqua hu cov neeg hauv Wsiconsin kom nyob ze hauv vaj hauv tsev thiab tsis xav pub tawm rooj mus sab nrauv yog hais tias tsis tsim nyog. Cov neeg uas yuav tawm mus sab nrauv vim muaj hauj lwm tseem ceeb yuav tsum ua raws

lis txoj cai Nyob Sib Nrug Kom Deb. Kev Tawm Rooj Tseem Ceeb muaj xws li:

- a. Kev tawm rooj mus ua hauj lwm tseem ceeb, muaj xwm txheej ceev, ua nom tswv tej hauj lwm tseem ceeb, muaj lag luam tseem ceeb los yog tej yam yuav tau ua.
- b. Mus tu cov neeg laus, cov me nyuam yaus, tej tub ki, cov neeg xiam hoob qhab, los yog cov neeg tsis taus.
- c. Mus nqa ntaub ntawv, mus nqa mov noj, thiab lwm yam kev pab txog kev kawm nyob ntawm tsev kawm ntawv thiab rov qab los vim kawm ntawv nyob online.
- d. Rov qab los vaj los tsev.
- e. Tawm mus sab nraum vim tsev hais plaub xaaj, xws li xa me nyuam mus rau tus niam los yog tus txiv raws li kev tau lees lus (niam txiv sib nrauj es sib pab tu me nyuam).
- f. Cov neeg tsis yog neeg nyob hauv Wisconsin rov qab mus tsev. Txhua tus neeg ua ntej yuav tawm rooj yuav tau xyuas seb puas tseem muaj tsheb thauj lawv tawm hauv Wisconsin mus.

**16. Yuav Tsum Nyob Sib Nrug Kom Deb.** Lub hom phiaj ntawm qhov kev Xaaj no, Yuav Tsum Nyob Sib Nrug Kom Deb muaj xws li:

- a. Nyob sib nrug kom deb 6 feet ntawm lwm cov neeg;
- b. Muab xab npum thiab dej sov ntxuav tes kom ntev li 20 seconds kom ntau li ntau tau los yog siv tshuaj ntxuav tes;
- c. Npog qhov ncauj thaum hnoos los yog txham (siv tes tsho los yog luj tshib, txhob siv tes);
- d. Nquag so tej tsee/rooj uas siv heev;
- e. Tsis txhob tuav tes; thiab
- f. Ua raws lis lus pom zoo los ntawm DHS thiab U.S. Centers for Disease Control.

#### **KEV TSWJ THIAB KEV SIV**

**17. Cov Neeg Qhab (Tribal Nations).**

- a. Tej hauj lwm cov neeg Qhab ua nyob hauv lawv zej zog thiab 11 thaj av uas Tsoom Fwv tu rau lawv nyob hauv Wisconsin yuav tsis siv txoj kev Xaaj no tab sis tej zaum lawv kuj yuav muaj lawv cai siv.
- b. Cov neeg tsis yog Khab yuav tsum hwm thiab tsis txhob mus rau ntawm lawv tej zej zog yog tsis muaj hauj lwm tseem ceeb.
- c. Cov nom tswv ntawm tej zej zog hauv Wisconsin yuav sib

koom ua ke, sib pab, thiab qhia cov ntaub ntawv no tawm rau cov neeg Qhab (Tribal Nations) nyob rau ntawm lawv zej lawv zos.

18. **Kev tswj.** Qhov kev Xaaj no yog cov tub ceev xwm hauv zej zog yog cov tswj, xws li cov sheriffs hauv county. Yuam cai los yog tsis mloog qhov kev Xaaj no yuav raug lub txim kaw txog 30 hnuv. Los yog raug nplua txog \$250, los yog ob qho tib si. Txoj cai Wis. Stat. § 252.25.
19. **Severability (ib nqe tsis yog lawm los lwm nqe nyob hauv qhov kev Xaaj no tseem siv tau).** Yog hais tias ib nqe lus ntawm qhov kev Xaaj no los yog qhov kev siv rau ib tug twg los yog ib yam twg tsis muaj tseeb, tab sis lwm yam nyob rau hauv qhov kev Xaaj no yuav tsis muaj teeb meem thiab yuav siv tau mus ntxiv. Thaum los txog txheej no lawm, cov nqe lus hauv qhov kev Xaaj no muaj zog heev (tseem ceeb heev).
20. **Supremacy.** Qhov kev Xaaj no hloov tej cai nyob hauv tej zej zog uas muaj kev cuam tshuam nrog rau qhov kev xaaj no.
21. **Sij Ham.** Qhov kev Xaaj no pib thaum 8:00 a.m. hnuv Friday, 4 Hlis Ntuj tim 24, 2020. Qhov kev Xaaj no yuav nyob mus txog rau thaum 8:00 a.m. hnuv Tuesday, 5 Hlis Ntuj tim 26, 2020.

  
\_\_\_\_\_ 04/16/2020  
Date

Andrea Palm  
Secretary-designee  
Department of Health  
Services